



Medlem af Inatsisartut Erik Jensen

**SIK-p suliassaqarfiani isumaqatigiissutinik isumaqatiginninniarneq pillugu § 37
naapertorlugu 2022-20 apeqqummut akissut**

Brevdato: 20-01-2022
Sagsnr. 2022 - 1851
Akt id. 19068936

Matumuuna § 37 naapertorlugu apeqqutinut akissutit nassiunneqarput.

1. Namminersorlutik Oqartussat aammalu Kommuunit sinnerlugit SIK-mut akissarsiat pillugit isumaqatiginninniarneq sumut killippat?
2. Namminersorlutik Oqartussat aammalu Kommuunit SIK-lu isumaqatigiissutaat qaqugu atorunnaassava?
3. Namminersorlutik Oqartussat aammalu Kommuunit SIK-lu isumaqatiginninniarnermi aningaasatigut nikingassutaat qanoq annertutigiva?
4. Akunnermut kr. nikingassut aammalu aningaasat katillugit qanoq annertutigisut assigiingissutaappat?
5. Isumaqatiginninniarnert sulisartunut sorlernut (faggruppe) atuutissava?
6. Naalakkersuisut allanik paasissutissaasinnaasunik peqarpat?

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Ad 1. Namminersorlutik Oqartussat aammalu Kommuunit sinnerlugit SIK-mut akissarsiat?

SIK-mik isumaqatiginninniarnert 16. november 2021-mi aallartipput. Isumaqatiginninniarnert suli ingerlapput.

Ad 2. Namminersorlutik Oqartussat aammalu Kommuunit SIK-lu isumaqatigiissutaat qaqugu atorunnaassava?

SIK-p suliassaqarfiani isumaqatigiissutit 31. marts 2022-mi atorunnaassapput.

Isumaqatigiissutit tamarmik pisortatigut atorunnaarnikut isumaqatigiissutit nutaat atulersinnissaata tungaanut atuuttarput. T.i. 1. april 2022-mi nutaanik isumaqatigiissusiortoqarsimangikkaluartoq isumaqatigiissutit atuutereertut suli atuutissapput, taamaasilluni sulisut akissarsiai il.il. ingerlaannassapput. Nutaamik isumaqatigiissusiortoqarpat, 1. april 2022-mi atuutilissaaq. 1. april 2022 kingorna nutaanik isumaqatigiissusiortoqarpat taava atuutilernissaata tungaanut akissarsiat kingusinaartumik naleqqussarneqassapput.

Ad 3. Namminersorlutik Oqartussat aammalu Kommuunit SIK-lu isumaqatiginninniarnermi aningaasatigut nikingassutaat qanoq annertutigiva?

Pisortat sinniisui taaseqataasinnaatitaanertik tunngavigalugu isumaqatiginninniartarput, tamannalu Isumaqatigiinninniarnermut Isumaqatigiissuteqarnernullu Ataatsimiititaliap ataani suliarineqartarluni, tassanilu Namminersorlutik Oqartussat aamma kommunit sinniisuuffigineqarlutik, kingornalu taaseqataasinnaatitaaneq Naalakkersuisunit akuerineqartarluni. Taaseqataasinnaatitaaneq isertuussaavoq, taamaammatt Naalakkersuisut imarisaanik ilisimatitsisinnaangillat. Tamanna pissusissamisoorpoq.

Tamatuma saniatigut Naalakkersuisut inassutigissavaat isumaqatiginninniarnarit ingerlasut aamma isumaqatiginninniarnermut aqqissuussaq politikikkut ataqqineqassasut, tamannalu sulisut isumaqatiginiakkat nammineq isumaqatigiissusiorfillugit.

Tamatumunnga atatillugu paatsuungasoqaqqunagu erseqqissarneqassaaq, SIK-p siulittaasua tusagassiutinut ilisimatitsissutitigut politikikkut isumaqatigiissutinik isumaqatiginninniarnernut akuliuttoqassanngitsaq allappoq. Tusagassiutinut ilisimatitsissut uani atuarneqarsinnaavoq:

Kalaallisut: <https://sermitsiaq.ag/kl/sikpolitikerit-suliatsinnik-tiqusiniarpat>

Qallunaatut: <https://sermitsiaq.ag/sikpolitikerne-overtage-vores-rolle>

Ad 4. Akunnermut kr. nikingassut aammalu aningaasat katillugit qanoq annertutigisut assigiinngissutaappat?

Apequt 3-mut akissut innersuutigineqarpoq.

Ad 5. Isumaqatiginninniarnarit sulisartunut sorlernut (faggruppe) atuutissava?

Namminersorlutik Oqartussat kommunillu SIK suliassaqaarfiit ukunani isumaqatiginninniarnarfigisarpai:

Ilinniartut	Anaanarsiat ilinniagaqarsimangitsut errorsisarfirmilu ningiut igaffimmilu ningiut
Umiartortut nalunaaquttap-akunnermusiallit	Peqqinnissakkut ikiortit ernissuornermilu ikiortit
Portørit annaassiniartartut portørilla	Kiassaatilerisut, atuarfinni suliffeqarfinnilu kiisalu inissarsuarni nakkutilliisut
Klub-ini suliffeqartut Angerlarsimaffimmi meeqqanik paarsisartut	Qatserisartut il.il. Ajoqit, ajoqit ilinniarsimangitsut, ajoqit taar-taa pattattorlu
Nunaqarfinni peqqinnissaqaarfiup sulisui	Sulisartut suliamik ilinniagallit ilinniagaqanngitsullu qaammammusiallit
Peqqinnissakkut ikiortit	Meeqqerisut isumaginninnermilu ikiortit
Suliamik ilinniagallit ilinniagaqanngitsullu nalunaaquttap-akunnermusiallit	Niuertarfirmi aamma allaffimmi sulisut Inuussutissaleriffinni ilinniarsimasut
Oqalutsit	

Isumaqatigiissutit taakku tamarmik ataatsikkut isumaqatigiissutiginninniarnearput.

SIK-p nittartagaani Namminersorlutik Oqartussanik isumaqatigiissutit takuneqarsinnaapput. Uku aqqutigalugit takuneqarsinnaapput:

Kalaallisut: <https://sik.gl/sik-pilluqu/isumaqatigiissutit/>
Qallunaatut: <https://sik.gl/da/om-sik/overenskomster/>

Pisortanut isumaqatigiissutit uani aamma takuneqarsinnaapput:

Kalaallisut: <https://www.asa.gl/Page?PageId=956936448>
Qallunaatut: <https://www.asa.gl/Page?PageId=956936448&hl=da>

Ad 6. Naalackersuisut allanik paasisutissaasinnaasunik peqarpat?
Naamik.

Inussiarnersumik inuulluaqqusillunga



Naaja H. Nathanielsen